

Հարգելի՛ ընթերցող,

Արցախի Երիտասարդ Գիտնականների և Մասնագետների Միավորման (ԱԵԳՄՄ) նախագիծ հանդիսացող **Արցախի Էլեկտրոնային Գրադարանի** կայքում տեղադրվում են Արցախի վերաբերյալ գիտավերլուծական, ճանաչողական և գեղարվեստական նյութեր՝ հայերեն, ռուսերեն և անգլերեն լեզուներով: Նյութերը կարող եք ներբեռնել ԱՆՎՃԱՐ:

Էլեկտրոնային գրադարանի նյութերն այլ կայքերում տեղադրելու համար պետք է ստանալ ԱԵԳՄՄ-ի թույլտվությունը և նշել անհրաժեշտ տվյալները:

Շնորհակալություն ենք հայտնում բոլոր հեղինակներին և հրատարակիչներին՝ աշխատանքների էլեկտրոնային տարբերակները կայքում տեղադրելու թույլտվության համար:



Уважаемый читатель!

На сайте **Электронной библиотеки Арцаха**, являющейся проектом **Объединения Молодых Учёных и Специалистов Арцаха (ОМУСА)**, размещаются научно-аналитические, познавательные и художественные материалы об Арцахе на армянском, русском и английском языках. Материалы можете скачать БЕСПЛАТНО.

Для того, чтобы размещать любой материал Электронной библиотеки на другом сайте, вы должны сначала получить разрешение ОМУСА и указать необходимые данные.

Мы благодарим всех авторов и издателей за разрешение размещать электронные версии своих работ на этом сайте.

Dear reader,

The Union of Young Scientists and Specialists of Artsakh (UYSSA) presents its project - **Artsakh E-Library** website, where you can find and download for FREE scientific and research, cognitive and literary materials on Artsakh in Armenian, Russian and English languages.

If re-using any material from our site you have first to get the UYSSA approval and specify the required data.

We thank all the authors and publishers for giving permission to place the electronic versions of their works on this website.

Մեր տվյալները – Наши контакты - Our contacts

Site: <http://artsakhib.am/>

E-mail: info@artsakhib.am

Facebook: <https://www.facebook.com/www.artsakhib.am/>

ВКонтакте: <https://vk.com/artsakhiblibrary>

Twitter: <https://twitter.com/ArtsakhELibrary>

ՊՄԳ 8421

Ը 661

Կազմող՝ Գ. Ն. Երզնկյան

Ալեքսանդր Շիրվանզադե

Պատմվածքներ (Կազմ.՝ Գ. Ն. Երզնկյան), Երևան, 1986.---
175 էջ:

Ը 661 Ժողովածուն ընդգրկում է հեղինակի լավագույն պատմվածքների մի շարք:
Իրանցում պարզ երևում է գրողի մարդասիրությունը, հայրենասիրությունը, նրա
ատելությունը ստորաբարձության, շոգոթորթության, մարգու ստոր արարքների
նկատմամբ:

4702080100 (51) 206 1986


Ը 702 (01) 1986



Александр Ширванзаде
РАССКАЗЫ
(на армянском языке)
Издательство «Луїс»
Ереван—1986

© «Լույս» հրատարակչություն, Կազմելու համար, 1986

73397



ԹԱՆԿԱԳԻՆ ԿԱՊԱՆՔ

Պատկեր

Օրն ամառային էր և իրիկնադեմ: Այրի Հովհասիմեն իր ամուսնուց ժառանգած սեփական տան պատշգամբի վրա թեյ էր պատրաստում: Սըմբատը, նրա միակ որդին, մի կողմ նստած, նայում էր դեպի գավիթ, որ զարդարված էր փոքրիկ գեղեցիկ պարտեզով:

Որդին տխուր էր և, կարծես, ինչ-որ մտառանջություն մեջ. մի բան, որ հազիվ էր պատահում: Ժամանակ առ ժամանակ նա հառաչում էր և իր անորոշ հայացքը դարձնում դեպի պարզ մանիշակագույն երկինքը, որ դանդաղորեն սահում էին ամառային նոսր ամպերը:

Մայրն աչքեն նկատել էր որդու տխրությունը, բայց ինչ էր պատճառը — չգիտեր: Թեյի բաժակը դնելով նրա առջև, ինքն էլ նստեց դեմուդեմ և յուր հայացքը հառեց որդու կիսադեմքին: Որքա՛ն երկյուղ, ակընկալություն և, միևնույն ժամանակ, քնքուշ սեր էր արտահայտում այդ հայացքը: Թվում էր, և այդ ճիշտ էր, որ մայրն ամեն վայրկյան պատրաստ էր յուր կյանքը զոհելու, միայն թե որդու տխրությունն որևէ ծանր պատճառ չունենա, միայն թե այդ լինի բուսական անցողիկ տրամադրություն:

Մմբատը դատարկեց թեյի բաժակը, բարձրացավ տեղից և շարուս նակ լռելով, դիմեց դեպի յուր սենյակը:

— Մմբատ,— դարձավ նրան մայրն անվստահ եղանակով:

Մմբատը հետ նայեց և կանգնեց: Գավթում ոչ ոք չկար, բացի ծառայից, որ հեռվում ցնցուղով ջրում էր պարտիզի ծաղիկները: Մայր և որդի կարող էին խոսել վստահ, որ ոչ ոք չի լսի նրանց:

— Ի՞նչ ես ուզում,— հարցրեց որդին:

Որքան ևս աշխատեր մեղմ արտասանել յուր հարցը, այսուամենայնիվ, նրա ձայնի մեջ մայրն զգաց անսովոր խստութուն:

— Ուզում եմ տխրությանդ պատճառն ինձ էլ հայտնես:

— Ես տխուր չեմ:

Ասաց որդին և անմիջապես շուտ եկավ, որ գնա, բայց մայրը խընդրեց սպասել:

— Դու ինձանից թաքցնո՞ւմ ես միտքդ,— հանդիմանեց Հոսիսիմեն,— միթե չե՞ս իմանում, որ ինձ վշտացնում ես:

— Շատ հետաքրքիրն ես,— պատասխանեց որդին տհաճութամբ, և այս անգամ նրա ձայնի կոշտությունն ավելի զգալի էր:

— Մմբատ...

Մի անսովոր դառն ժպիտ աղավաղեց որդու շրթունքներն, երբ մայրը կասկածելի հայացքով չափեց նրան ոտից մինչև գլուխ:

— Այդ, վերջապես, անտանելի է,— գոչեց նա, նստելով յուր աթոռի վրա,— այդ կյանք չէ, մայր, որ ես քաշում եմ: Քո կասկածներն ինձ հալածում են: «Մմբատ, ինչո՞ւ ես տխուր, Մմբատ, ինչո՞ւ ես լուռ, Մմբատ, ինչո՞ւ չես ուտում, ինչո՞ւ չես խմում»: Խոստովանվում եմ, այդ բոլորն ինձ արդեն ձանձրացրել է:

Մայրը աթոռը առաջ քաշեց և, աչքերը լայն բանալով, հառեց որդու երեսին: Նա սպասում էր, որ վերջինը շարունակի:

— Ես տխուր եմ, որովհետև դու ինքդ ես ինձ ստիպում տխրել,— շարունակեց որդին սրտմտությամբ,— ամեն քայլափոխում խնամք, խնամք ու խնամք, մինչև ե՞րբ: Գիշերն ու ինչ ևս վերադառնում— լաց ես լինում, մի տեղ զբոսնելու եմ գնում— խրատներով ես ճանապարհ զբոսնում: Չեմ ուտում— ստիպում ես ուտել, չեմ ուզում քնել, պահանջում ես որ քնեմ, մի գիրք եմ վերցնում կարդալու— խլում ես ձեռքիցս, թե «աչքերիդ վեա ս է», ընկերներին նամակ եմ ուզում գրել— չես թողնում, թե «կուրծքդ կցավի»: Ահա, այդ քո հիվանդոտ սերն է, որ, վերջապես, ինձ տխրեցնում է: Դու ինձ ստրուկի պես ճնշում ես քո սիրով, դու քո կյանքը կապել ես իմ կյանքի հետ, դու ուզում ես, որ քանուշորս տարեկան երի-

տասարդը ծծկեր երեխայի պես ապրի: Դա մայրական սեր չէ, դա բռնություն է:

Այս խոսքերը Մմբատն արտասանում էր ակնհայտնի դաժնությամբ և հետզհետե ավելի ու ավելի հուզվող ձայնով: Պարզ էր, որ վաղուց նրա մեջ ետում էր այդ դաժնությունը և վաղուց նրա սրտում պատրաստվել էր մի թույն, որ ձգտում էր դուրս հոսելու:

Մայրը զարմացած, երկյուղած և լուռ մտիկ էր անում նրա երեսին, աշխատելով մի բառ անգամ բաց շթոզնել նրա ասածից:

— Կարո՞ղ եմ մայրական սեր անվանել այն, որ ամեն բույս ճնշում է իմ ազատությունն ու խոչընդոտ դառնում ինձ,— շարունակեց Մմբատը, ավելի գրգռվելով մոր լռությունից: Դու ինձ շթողիր Ռուսաստան գրե՛նալու, որ ուսումս շարունակեմ, կարծում էիր, որ այնտեղ հասա թե՛— իսկույն պիտի մեռնեմ: (Մայրը մի ցնցում գործեց): Դու ինձ հեռացրիր իմ ընկերների շրջանից և քաղաքականի պես դատապարտել ես հավիտյան մի քաղաքում ապրել քո աչքի առջև: Կրկնում եմ, այդ մայրական սեր չէ. թո՛ղ ինձ մի փոքր ազատ շունչ քաշեմ, բավական է, որքան խանձարուրի մեջ պահեցիր ինձ:

Նա լռեց և, տեղից բարձրանալով, սկսեց հուզված անցուդարձ անել. ձեռները վարտիքի գրպանները դրած:

— Որդի՛,— խոսեց մայրը, վերջապես ուշքը վրեն հավաքելով,— ե՞րբ եմ ես քեզ արգելք կողել: Ինչ ուզում ես— արա, ինչպես կամենում ես— ապրիր, ահա քեզ տուն, տեղ, հարստություն, քո՞նք չէ: Էլ ի՞նչ ես ուզում.— հոգի՞ս... Կտամ, չեմ խնայել: Աստծուն է հայտնի:

Մմբատը դաժնությամբ ժպտաց:

— Հոգի՛դ,— կրկնեց նա, կանգնելով մոր առջև:— Հենց այդ է, որ ես չեմ ուզում, ինչի՞ս է պետք քո հոգին: Ավելի լավ կլիներ ինձ համար, որ դու խնայեիր ինքդ քեզ և իմ մասին քիչ մտածեիր: Հավատացի՛ր, մայր, որ ես ավելի բախտավոր կլինեի, եթե դու ինձ պակաս սիրեիր կամ չսիրեիր միանգամայն: Այո, մի՛ սիրիր ինձ:

— Քեզ չսիրե՞մ, ե՞ս քե՞զ չսիրեմ,— կրկնեց այրին դայրացած այս անհնարին և անբնական առաջարկությունից:

— Գոնե, փոխի՛ր սիրելուդ ձեռ:

Հոսիսիմենն այլևս չկարողացավ զսպել իր արտասուքը, որ քանի բույս արգեն խեղդում էր նրա կոկորդը: Նա սկսեց բարձրաձայն հեկեկալ:

Մմբատը ճնշված սրտով մտավ յուր սենյակը և սկսեց հագնվել: Նա զգաց, որ իր հանդիմանությունը ավելի խիստ ձեռով արտահայտեց, քան

թե հարկավոր էր և խղճաց մորը, տեսնելով նրա բուռն հեկեկանքը: Մինևույն ժամանակ նա արդարացի էր համարում իրեն. ծանր էր թվում նրան սիրո այն կապանքը, որով մայրը կաշկանդել էր նրա անհատակա- նուկթյունը: Այդ սերը նա համարում էր մի տեսակ եսասիրություն մոր կողմից, թեկուզ այն արտահայտվեր անձնազոհությամբ:

Հանկարծ նա լսեց մի ձայն, հետ նայեց և տեսավ մորը, որ գաղտնի դիտում էր որդու շարժվածքը դռների արանքից: Խեղճ կին, նրա սերը և կասկածանքն այն աստիճանին էին հասել, որ վախենում էր, միգուցե որդին հուզված դրուժյան մեջ մի բան անե... Այդ պարզ էր Սմբատի հա- մար: Նա արագ-արագ հագավ շորերը և շտապով դուրս գնաց, առանց, սովորական բարևն ասելու: Սակայն, գավթից դուրս գալիս, նա չհամբե- րեց, հետ նայեց: Մայրը, պատուհանի առջև կանգնած, նայում էր նրա հետևից, ձեռները ծոցին դրած և գլուխն ուսերին թեքած: Նրա հայացքն այնքան տխուր էր, երկյուղած և աղքու, որ դրոշմվեց Սմբատի սրտին, թեև շատիպեց նրան հետ դառնալ և ներումն խնդրել. մի բան, որ հոգով ցանկանում էր:

Երբ նա հեռացավ, Հռիփսիմենն անմիջապես կանչեց ծառային:

— Գասպար,— ասաց նա շնչասպառ, որպես թե մի մեծ անբախ- տություն պատահած լիներ,— այս բուպեխ պարոնդ դուրս եկավ շատ շարացած, չգիտեմ ում վրա: Իսկույն վազիր ետևից, բայց չմոտենաս, հետն ու հետը գնա, այնպես, որ դու նրան տեսնես, նա քեզ չտեսնի: Աշ- քըդ չհեռացնես, հասկանո՞ւմ ես...

— Աշքիս վրա,— ասաց Գասպարը, որ Բարսամյանների տան վա- դեմի հավատարիմ ծառան էր:

— Կաց, այս լավ է. ծխախոտամանը թողել է, եթե քեզ տեսավ, կա- սես, որ դրա համար ես եկել: Դեհ, գնա՛, թե չէ չես գտնիլ:

Ծառան վաղեցի Հռիփսիմենն նստեց սեղանի մոտ, գլուխը դրեց կրո- ների վրա և դարձյալ սկսեց լաց լինել: Հետո նա, թաշկինակով սրբելով աչքերը, վերկացավ և գնաց հարևան Մարիամի մոտ՝ մի կերպ ժամանա- կը մոռանալու Փոքր-ինչ անցած նա վերադարձավ և երկար ժամանակ լարված դրուժյան մեջ, հառաչելով, անցուղարձ էր անում մի սենյակից դեպի մյուսը, անդադար նայելով սեղանատան պատի ժամացույցին: Յուրաքանչյուր մի անցնող բոպե ավելացնում էր նրա վիշտը և սպա- ուում համբերությունը: Գտա՞վ, արդյոք, Գասպարը նրան, կվերադառ- նա՞, արդյոք, նա այս գիշեր, թե՞...

Նա հանդիմանում էր ինքն իրեն, որ առիթ տվեց իր միակ որդուն

բարկանալու: Նա իրան համարում էր անպայման մեղավոր. նա չպիտի հակաճառեր, չպիտի լար, չպիտի զարմանար, չպիտի խոսեր անգամ:

Նա նայում էր մերթ դեպի փողոց, մերթ դեպի գավիթ, ականջները լարում էր լսելու դրսից մի ձայն, և երբեմն սրտի սաստիկ բաբախումը խարում էր նրան: Հետզհետե փողոցում անցորդների ձայները ընդհատ- վեցին, կառքերի դրոշմունք դադարեց, հարևանների ճրագները մի առ մի սկսեց հանգչիլ, իսկ Սմբատը չկար ու չկար և ոչ էլ ծառան:

Մի վայրկյան Հռիփսիմենի մեջ ցանկություն ծագեց՝ դնալ և փնտրել որդուն, բայց ո՞րտեղ... Նա փակեց դռները, շալը ձգեց գլխին, դուրս եկավ փողոց և կանգնեց դռների մոտ:

Արդեն կեսգիշերից անց էր, երբ, վերջապես, մի կառք երևաց փո- ղոցի ծայրում: Հռիփսիմենն շտապեց ներս և մտավ յուր սենյակը: Նա գի- տեր, որ եթե որդին տեսնե իրեն ոտքի վրա անհանգիստ— կբարկանա: Թող չկարծի, թե մայրը սպասում էր իրեն...

Յկողն արդարև Սմբատն էր: Նա մտավ ներս թե չէ, իսկույն դիմեց մոր սենյակը. նա նկատել էր նրան գավթից ներս մտնելիս:

— Դու քնած չե՞ս,— ասաց նա,— հավատացի՛ր, մայր, լավ բան չես անում, որ ետևիցս լրտես ես ուղարկում:

Ինչ ուզում է, թող ասի Սմբատը, միայն թե թույլ տա Հռիփսիմենին յուր ուրախությունն արտահայտելու մի համբույրով: Եվ որդին թույլ տվեց. նա տրամադրված էր բարկանալու:

— Բայց լրտեսդ ճարպիկ չէ,— ասաց նա, հեզնելով,— հիմարը կարծում էր ես նրան չեմ տեսնում: Այգու դռների մոտ նկատեցի և իս- կույն հասկացա, որ դու ես ուղարկել: Թաքուն հրամայեցի դոնապանին ներս թողնել: Միծաղելի էր: Խեղճ մարդ, ամբողջ երեկո, մութ ծառու- դիում նստած, դիտում էր ինձ կարծելով, որ շատ հաջող է կատարում յուր գերը: Բայց եթե դու ինձ ստիպեցիր շուտ վերադառնալ, ես էլ Գաս- պարին պատժեցի: Ես կառքով եկա, նրան չհրամայեցի նստել, ստիպվեց հետևիցս վաղել խելագարի պես: Չէի ուզում ամաշացնել նրան, թե նրա լրտեսությունը նկատել եմ...

Պատշգամբի վրա երևաց Գասպարը, քրտնած, շնչասպառ և փոշոտ:

— Ահա, եկավ առաքյալը,— հեզնեց Սմբատը,— է՛հ, Գասպար, ես քեզ խելոք մարդ էի համարում, բայց դու ինձ երկու տարեկան երեխայի տեղ ես դնում: Ամոթ է... Բայց դու մեղավոր չես, ես քեզ կվարձատրեմ մորս փոխարեն:

Այս ասելով, նա պատուհանից ձգեց ծառային մի հատ երեք ուր- լիանոց և իսկույն սկսեց հագուստը հանել:

Հետեւյալ օրը նա դարձնեց ուրախ, զվարթ ու սկսեց մոր հետ կատակ անել:

— Քնած ժամանակս էլ հանգիստ չես թողնում ինձ,— ասաց նա, ծիծաղելով,— զիշերը շոգից ես վերմակս դեն էի գցել, առավոտ դարձնում եմ ու տեսնում, որ էլի գցել ես վրես ու այնպես փաթաթել, որ տաքից խեղդվում էի:

Նա վճռել էր միայն այս ձեռով ազդել մոր վրա, որ գուցե կարողանա մի կերպ զսպել նրա «քնքուշ բռնակալութունը», ինչպես անվանում էր ինքը: Հոփոսիմեն հասկացավ նրա միտքը. որոշեց զգաստ լինել և, միևնույն ժամանակ, աշխատել ոչ մի կերպ չընդդիմանալ որդու կամքին: Բայց և այնպէս, ճաշի ժամանակ նա չկարողացավ զսպել յուր կիրք դարձած հոգատարութունը: Նա ինքն յուր ձեռքով նրա ափսեի մեջ դրեց «կատուտի» մի լավ կտոր:

— Իսկ եթէ չկամենամ ուտել այդ կտորը,— ասաց Սմբատը, ծիծաղելով:

— Դո՛ւ գիտես,— պատասխանեց մայրը,— ես քեզ չեմ զոռում: Շատ քիչ ես ուտում, սիրտս... կա՛վ, էլ չեմ խոսիլ...

Եվ մինչև ճաշի վերջը, նա լռեց, աչքի տակով գաղտնի դիտելով որդուն, ուտո՞ւմ է արդո՞ք նա:

Երեկոյան, յուր կատակները շարունակելով, Սմբատը, տնից դուրս գալիս, հայտնեց թե դարձյալ ուշանալու է:

— Գաստարին չուղարկես ետեփցս, թե չէ մտադրութուն չունիմ նրա համար թատրոնի տոմսակ գնելու, որ ինձ լրտեսի:

— Դո՛ւ գիտես,— պատասխանեց մայրն անսահման խոնարհությամբ,— բայց...

— Հը՞մ...
— Լավ կանես, որ վերարկուդ վերցնես, երեկոները ցուրտ է:

Այս անգամ Սմբատը վերադարձավ ավելի ուշ, քան նախընթաց երեկու Երբ նա եկավ, մայրը, սև շալն ուտերին գցած, անցուդարձ էր անում զավթում անլսելի քայլերով, անշունչ ուրվականի պես: Սմբատը զգաց խղճի սուր խայթոց և, միևնույն ժամանակ, դարձյալ բարկութունից խանդից նրա արշուներ: Նա վրդովվեց յուր դեմ, որ առիթ էր տալիս մորն՝ այդքան տանջվելու, վրդովվեց և մոր դեմ, որ այդքան զգայուն էր:

Այդ օրից մայրը լուռ էր, անտրտունչ և համբերությամբ խոնարհ իր ճակատագրին: Նա ոչ մի հանդիմանութուն չէր անում, ոչ մի անգամ չէր հարցնում որդու կամքը և ոչ մի ցանկութուն չէր հայտնում: Նա

միայն աշխատում էր լուռ ու մունչ գոտակել որդու ամեն մի շնչին հաճույքը և անվրեպ կատարել: Բայց որքա՞ն թանկ է նստում նրան այդ համառ լուսթյունը: Սմբատը նկատում էր, որ անքուն գիշերները և անխոս մտառանջութունը օրից-օր մաշում են մորը և օրից-օր փութացնում նրա ծիրութունը: Այդ ավելի անտանելի էր նրա համար, քան եթէ հանդիպեր մոր կողմից բուռն և բացարձակ հանդիմանության:

Նա փոխեց յուր վարմունքը, սկսեց երեկոները տանը անցկացնել, աշխատելով զվարճացնել մորն առաջվա պես: Այդ ևս շօգնեց:

Մի օր նա տուն եկավ սաստիկ վրդովված և գույնը թափած: Հոփոսիմեն, զոգողողալով, ձեռները ծոցին դրեց, գուլթը թեքեց զեպի ուտը, կանգնեց ու նայեց որդու աչքերին: Այնտեղ նա ձգտում էր կարդալ նրա գունատության պատճառը, առաջից խոսել համարձակվելու:

— Դու ուրեմն չե՞ս հասկանում, թե ինչ ես արել,— գոչեց որդին, չկարողանալով զսպել իր կատաղութունը: Դու ինձ բոլոր ընկերներիս մեջ խայտառակել ես և չե՞ս իմանում, չե՞ս իմանում:

— Սմբատ... — կարողացավ միայն արտասանել մայրը:

— Ոչ, այդ արդեն շափազանցութուն է, դու ամեն կողմից ինձ թըշնամու պես պաշարել ես, ամեն ճանապարհ կապել իմ առջև: Բավական չէր ծառան, այժմ դու ընկերներին ես ինձ վրա լրտես նշանակել...

— Ես... ես... — ոչինչ... — տատանվեց մայրը և չկարողացավ շարունակել, երկյուղածությամբ ետ ու ետ քաշվելով:

— Այո, Սերգո Քեթխուրջանին դո՛ւ չես ինդրել, որ քեզ պատմի այն ամենը, ինչ որ ես անում եմ դրսում: Քրոջդ որդուն, Աբգարին, դո՛ւ չես պահապան դրել վրես, որ ես մի քայլ անգամ շանեմ առանց նրան: Ասենք թե Սերգոն և Աբգարն ինձ լավ են ճանաչում, գիտեն, որ իմ կյանքը զբոսում մի վատ կողմ չունի, բայց ինչո՞ւ ես ինձ ամաչացնում: Այդ դեռ ոչինչ ասա՛, խնդրեմ, ես ի՞նչպես չզրգովեմ, որ դու շրջափակների պարագլուխ Մեփիստովին անգամ ինձ համար լրտես ես նշանակել: Բայց արդեն բավական է, չափը լրացավ: Կսի՛ր, ինչ եմ ասում, մայր, դու գիտես, որ վաղուց ևս մտադիր էի Ռուսաստան գնալու, գիտես, որ ես ուզում եմ համալսարան մտնել:

Մայրը գլխով մի շարժումն արավ, լուռ հառաչելով, առանց տեղից շարժվելու:

— Ուրեմն շարժանաս — ես երկու շաբաթից հետո ուղևորվում եմ... Պե՛տերբուրգ:

Հոփոսիմեն մի ճիշտ արձակեց և ուժասպառ, թուլացած, նստեց պատի մոտ գտնվող թախտի վրա: Այո, նա վաղուց գիտեր որդու մտադրութուն:

Նրա Գեո երկու տարի առաջ, երբ ավարտեց գիմնադիտնը, նա անմիջապես պատրաստվեց ուղևորվելու Քայց Հոփսիմեն ընկավ նրա ոտներին, աղերսեց, որ թողնի յուր մտադրությունն և ապրի մոր հետ: Ի՞նչ է անում նա բարձր ուսումը, քանի որ նրա առողջությանը վնասակար է: Եթե ուսումն առնում են նրա համար, որ աշխարհում ապրելու միջոց ունենան, Սմբատն այդ կողմից ամենից բախտավորն է: Հայրն այնքան թողել է, որ որդուց որդի բավական է: Ոչ միայն ուսում, այլև ոչ մի գործով չպիտի պարավի. նա միայն պիտի ապրի ու ապրի... այս էր Հոփսիմենի ուզածը: Եվ հանկարծ Սմբատը վճռողաբար հայտնում է, թե երկու շաբաթից հետո գնում է: Հոփսիմեն կարող է ապրել առանց տարիներով որդու երեսը տեսնելու, նա՛, որ երկու ժամ որդուն շտենելիս տանջվում է այնքան:

Հոփսիմենն անցավ յուր սենյակը, գոնեք փակեց և երկար ժամանակ լաց եղավ, հիշելով անցյալը, յուր հանգուցյալ ամուսնուն և հանգուցյալ որդիներին: Այն ժամանակ նա երջանիկ էր, այն ժամանակ նա կհամաձայնվեր մեկից բաժանվել, մյուսով միխթարվել: Իսկ այժմ... Երեքը, նա կսպանի ինքն իրեն և չի համաձայնվիլ միակ որդուց բաժանվել: Իսկ եթե Սմբատը համառություն անե, այն ժամանակ...

— Կթողնեմ տուն ու տեղ, ամուսնուս ու որդիներս գերեզմանները և կգնամ նրա հետևից, — ասաց Հոփսիմեն ինքն իրեն լսելի ձայնով, — կգնամ, թեկուզ աշխարհի մյուս ծայրը:

Սակայն մի րոպե շանցած, այս միտքը նրան սարսափեցրեց: Ի՞նչ, միթե նա կարող է իր սիրեցյալների գերեզմանները մոռանալ, թողնել և հեռանալ օտար աշխարհ: Ո՛չ, այդ անտանելի կլինի:

Ամբողջ օրը նա ոչինչ չասաց որդուն, միայն հետևյալ առաջտեղը դարձավ նրան.

— Որդի, երեկ հանաք էիր անում, չէ՞...

— Ի՞նչ հանաք:

— Թե պիտի գնաս:

— Բարեբախտաբար, ոչ! Ամսույս վերջին ինձ բարի ճանապարհ մաղթիր:

— Այդ ինչպես կլինի, — արտասանեց Հոփսիմեն, կմկմառվի:

— Այնպես կլինի, որ կնստեմ կառք, կգնամ և ամեն ամառ կգամ մորս տեսնելու, ինչպես ուրիշներն են անում:

— Ուրիշները շատ որդիք ունին, ես մեկն ունիմ:

— Մեր հարևան այն աղքատ կինը քանի՞ան ունի. չէ՞ որ մեկը, ինչո՞ւ է թողնում նրան զնալու Քեզ նման շատերը կան, մայր, հավատացիր:

Ես մի ոտս ընկեր ունեմ, նրա մայրն հինգ որդի ունի, հինգն էլ նրանից հետո են ապրում, նա կին չէ՞ քեզ պես...

— Ես չեմ կարող... չեմ կարող... — կրկնեց մի քանի անգամ Հոփսիմեն փղձկալով:

Սմբատի պարզ-մեխակագույն աչքերը փայլեցին տհաճությամբ: Նա մի ծխախոտ վառեց, որ յուր՝ մի վայրկյանում լարված շղերը փոքր-ինչ թմրեցնի: Այդ մի սովորական միջոց էր, որին դիմում էր բարկության րոպեներին: Նա թուլացած նստեց աթոռի վրա. նա տեսնում էր, որ դժվար է ազատվել այդ կապանքից, որ ծերունի կինն առանց իրեն անկարող է շարունակել իր գոյությունը... այնքան հոգով ու սրտով ձուլվել է նա յուր դավակի հետ:

— Կավ, — ասաց նա, — եթե անպատճառ ուզում ես ոտներս ու ձեռներս շղթայած ունենալ, արի, քեզ էլ տանեմ հետս, ուր որ գնում եմ: Միայն թե մի ոչնչացնիր իմ ապագան:

Հոփսիմենն ոչինչ չպատասխանեց. նա լալիս էր արտասանելով յուր հանգուցյալ որդիներից մերթ մեկի, մերթ մյուսի անունը: Սմբատը չեկարողացավ երկար կրել այդ դառն տեսարանի ծանրությունը, թողեց և հեռացավ մյուս սենյակ:

Այնուհետև նա մի քանի օր աշխատում էր համոզել մորը, թե յուր դնալը անհրաժեշտ է, թե Քիֆիսի կյանքը և անգործությունը նրան ձանձրացրել են, թե նա մտավորապես բթանում է, բարոյապես աղավաղվում, միշտ միատեսակ կյանք վարելով: Թե վերջապես, անգործությունը պատիվ չի բերում եղամարդին: Նա օրինակ էր բերում յուր նախկին ընկերներին, համեմատում էր իրեն նրանց հետ և ամառում այդ համեմատությունից: Ամեն մեկը մի անհատ է, մի ազատ մարդ յուր ուժով, կամքով, խելքով, յուր սեփական ձգտումներով: Իսկ ի՞նչ է ինքը. համարյա թե ոչինչ. փողով ապրող, փայփայլած մի երեխա, որին եթե վաղն ազատություն տաս իր ոտքով շրջելու, ով գիտե, չկարողանա շրջել: Ո՛չ, այսպես չի կարելի, նա արդեն ծիծաղելի է դարձել յուր ընկերների աչքում, նրանք ծաղրում են նրան, արժանի չեն համարում մի լուրջ բանի վրա հետը խոսելու: Իսկ ով անկեղծ է, խորհուրդ է տալիս ուսումը շարունակելու:

— Խնդրում եմ, մայրիկ, արգելք մի՛ լինիր ինձ, մի՛ կապիր ճանապարհս...

Բայց բոլոր այս պատճառաբանություններն ակներև ապարդյուն էին անցնում: Ծշմարիտ է, Հոփսիմեն լսում էր որդու ասածները խորին ուշադրությամբ, չէր հակառակում, համաձայնվում էր, բայց, միևնույն ժամանակ, միշտ կրկնում էր.

— Առանց քեզ մի օր չեմ ապրիլ:

Սմբատը շվարված էր մնացել, չգիտեր ինչ աներ:

«Վերջապես, մի կերպ պետք է լուծել այդ կապանքը, թե՞ չէ»,— մտածում էր նա:

Նա վճռեց փոխել իր վարվողության ձևը: Մինչև այժմ նա դեռ շարունակում էր մեզմ վարվել մոր հետ, որին թե՛ սիրում էր և թե՛ խղճում: Այժմ նա սկսեց ցույց տալ, որ ատում է նրան և մտադրություններ իր հարաբերությունները կոշտացրեց: Նա չէր պատասխանում մոր ոչ մի հարցին, ճաշում էր առանձին, քնում էր յուր առանձնասենյակում, ուր չէր թույլ տալիս մորը ոտք դնելու, տեղի ու անտեղի ծառայի վրա բարկանում էր, մտրակահաններին վանդում էր դռներից, թափառաշրջիկ երաժիշտներին ու երգիչներին չէր թողնում երգել և նվագել գավթում: Մի խոսքով, անում էր այն, ինչ որ գիտեր, թե դուր չի գալիս մորը: Այսպիսով, նա կամենում էր մոր սրտում ատելություն հղացնել դեպի ինքը, մի ծայրահեղ զգացմունքի տեղ հակառակը ներշնչել: Այն ժամանակ մայրը, վերջապես, կձանձրանա որդուց և բարվոք կհամարի, գեթ միառժամանակ, բաժանվել նրանից:

Սակայն դուր, բոլոր այս միջոցները հակառակ արդյունք ունեցան Սմբատի համար: Որքան նա բռնի ատելություն էր ցույց տալիս, նույնքան մոր սերը զարգանում էր, կույր հնազանդությունը ամրանում: Նա շարունակ լուռ ու մունչ դիմանում էր որդու քմահաճություններին, առանց գեթ մի անգամ թեթև հանդիմանություն անելու:

Մի օր Սմբատը նկատեց, որ մայրը զաղտնի մի արծաթե դրամ տվեց մեկ կույր երգչի, որին նա վնդդել էր: Հետևյալ օրը նա պատահամբ, դռների մոտով անցնելիս, տեսավ որ մայրը նստած լաց է լինում յուր ամուսնու սենյակում: Այդ ստիպեց նրան մի կողմ ձգել կեղծ ատելության դիմակը, որ այնքան ծանր էր նրա համար:

Այժմ մնում էր մի վերջին միջոց՝ լինել անզգա, թողնել անուշադիր մոր լացն ու հառաչանքները և գնալ ու հեռանալ: Նա լաց կլինի, լաց կըլինի և դուցև վերջը կամա-ակամա կհնազանդվի յուր ճակատագրին:

Ամառվա վերջերին մի օր նա սառն եղանակով հայտնեց մորը, ին վաղը չէ մյուս օրը ճանապարհ է ընկնելու:

— Ո՞ր քաղաքը...— հարցրեց մայրը:

— Դու նամակ կստանաս Ռուսաստանից կամ, ով գիտե, արտասահմանից:

Հոփսիսիմեն ոչինչ շատաց, մի հառաչանք անգամ շարձակեց, նրա դեմքի մկանունքներն անգամ շարժվեցին: Այդ օրերը նա նիհարել էր,

աչքերը խորն էին ընկել, այտերի ոսկորները դուրս էին ցցվել երեսի թառամած կաշվի տակ: Նա լուռ ու խոնարհ երեսը շուռ տվեց, գնաց յուր սենյակին և ամբողջ օրն այնտեղ մնաց:

Մյուս օրն երեկոյան Սմբատը սովորականից վաղ տուն վերադարձավ, հրամայեց Գասպարին յուր հագուստեղենը կապել, ասաց թե վաղը իրիկ-նաղեմին ճանապարհ է ընկնելու, թե արդեն կառքի տոմսակ է վերցրել:

— Բաս աղջիկ պարո՞նք,— հարցրեց ծառան զարմացած:

— Ի՞նչ կա:

— Նա հիվանդ է:

— Հիվանդ է, գոչեց Սմբատը, դուր աշխատելով չկորցնել սառնասրտությունը:

Այսօր մինչև երեկո պառկած է եղել. ասացի, աղջիկ պարոն, թո՞ղ գնամ, Սմբատին գտնեմ, բժիշկ կանչենք: Չուզեց ու չուզեց... Պառկած է ու լաց է լինում... գնում եք այնտե՞ղ. ասոված սիրեք, շատեք Գասպարն ասաց: Նա կբարկանա վրես, եթե իմանա, որ ես եմ ձեզ հայտնել:

Հոփսիսիմեն արդարև հիվանդ էր և ծանր հառաչում էր, պառկած խավար սենյակում, երբ Սմբատը ներս մտավ:

— Ի՞նչ է պատահել, հիվանդ ես, ինչու՞ ես մթնում պառկել,— կըրկեց միմյանց հետեից յուր հարցերը Սմբատը:

Գասպարը նրա հրամանով իսկույն ներս բերեց վառած կանթիղը: Հոփսիսիմեն պառկած էր, երեսը պատին դարձրած, դուխը սև շալով ծածկած, առանց վերմակի, ձեռում սեղմած մի բան:

Սմբատը զգուշությամբ մոտեցավ նրան:

Նայե՛ր, մայրի՛կ, ես եմ...

Նրա ձայնը դողում էր, դողում էին և նրա ձեռներն երկյուղից և խղճի հարվածից: Հոփսիսիմեն արագությամբ, որքան, իհարկե, ուժ ուներ, բարձրացավ և նստեց անկողնի վրա:

— Դո՞ւ ես,— արտասանեց նա քնից նոր սթափվողի պես,— էհ, ոչինչ գլուխս քիչ ցավում էր, անցավ:

Այս ասելով, նա շտապով և գաղտնի թաքցրեց բարձի տակ մի բան:

— Այդ ի՞նչ ես թաքցնում, ցո՛ւյց տուր...

Որդին կասկածանքով ձեռք մեկնեց և բարձի տակից հանեց թաքցրած բանը: Դա նրա հանգուցյալ եղբայրների և հոր լուսանկարներն էին: Նայեց նրանց վրա Սմբատը, հիշեց այն երջանիկ օրերը, երբ նրանք կենդանի էին, հիշեց մեկի որդիական և մյուսի ամուսնական սերը: Չէ՞ որ այժմ շկան նրանք և մոր միակ սփոփանքն ինքն է այսօր: Չէ՞ որ ինչպես

մայրն է յուր բոլոր սերը նվիրել որդուն, նա ևս պարտավոր է յուր հոր և եղբոր փոխարեն սիրել նրան...

Նա ուշադրութեամբ նայեց մոր երեսին: Որքա՞ն նա փոխվել է վերջին ժամանակ, թառամել, դալկացել և գրեթե կմախք դարձել: Մի վայրկյա- նում բունն զորութեամբ գրգռվեց նրա որդիական սերը, խառն խղճահա- րութեան և ցավակցութեան հետ: Ճնշված սրտով, խոր զգացված, նա բռնեց մոր աջը, հպեց յուր շրթունքներին և հուզված ձայնով արտասանեց.

— Ների՛ր, մայրիկ, գիտեմ ինձ համար ես այդքան վշտանում. քո տկարութեան պատճառը ես եմ միայն... Բայց ահա քո մոտն եմ և չեմ... հեռանալ... Չե՞ս հավատում...

Նա վազեց յուր սենյակն և իսկույն հետ դարձավ ճանապարհի տոմ- սակը ձեռին:

— Տե՛ս, ահա, պատում եմ տոմսակս և չեմ գնում...

Մայրը թռավ ոտքի և բռնեց նրա ձեռը:

— Ոչ, սպասի՛ր, եթե ինձ սիրում ես, մի պատճիր, շատ լավ ես արել որ վերցրել ես: Գնա՛, որդի, գնա՛, ես ինքս եմ խնդրում, գնա՛, աշխարհ տես, մարդ տես, թող միտքդ բացվի: Լսո՞ւմ ես, ես քեզ խնդրում եմ, գնա՛: Է՛հ, ես հիմար կին եմ, չէի հասկանում, հակառակում էի: Հիմա հանգիստ կաց, առանց քեզ կարող եմ համբերել, ինչու չէ, կարող եմ...

Նա խոսում էր հաստատ ձայնով և համոզված մարդու եղանակով: Ոչ մի կեղծ հնչյուն կամ թաքցրած դժգոհություն չէր զգացվում նրա ասածի մեջ: Սմբատը հակառակեց, նա սկսեց հավատացնել, որ այժմ այլևս ինքը չունի ոչ ուսման ցանկություն և ոչ Թիֆլիսից դուրս գալու միտք: Բայց դժվար էր համոզել Հռիփսիմեին: Նա անհողող կրկնում էր, թե շատ կվշտացնի Սմբատը նրան, եթե չկամենա գնալ, թե այդ յուր ջերմ ցանկությունն է և այլն:

Հետևյալ օրը Սմբատը պատրաստվեց ճանապարհ ընկնելու: Հռիփ- սիմեն ուրախ էր և աշխույժ: Նա Սմբատի աչքում բավական փոխվել էր ու անհամեմատ առողջ և զվարթ էր երևում, քան նախընթաց երեկո: Նա օգնում էր Սմբատին, աշխատելով որքան կարելի է, նրա բեռը ծանրաց- նել զանազան պիտանի ու ավելորդ հագուստներով և ստիպելով անպատ- ճառ յուր հետ վերցնել տեսակ-տեսակ ուտելիքն ճանապարհի համար:

Սմբատը մեծ հաճությամբ կատարում էր նրա ամենաչնչին ցան- կությունն անգամ: Բայց, զբաղված լինելով յուր նոր սկսվող կյանքի մըտ- քով, չէր նկատում այն խորին և տարօրինակ թախծությունը, որ թաքնը- ված էր մոր զվարթության ներքո և որ մերթ ընդ մերթ փայլում էր նրա աչքերի մեջ կամ արտահայտվում ձեռների ղողոցով:

Հռիփսիմեն մի փառավոր ճաշ պատրաստել տվեց յուր որդու հա- մար: Ներկա էին նրա քույրը, քեռորդին և ուրիշ մի քանի ազգականներ, որ եկել էին ճանապարհ դնելու Սմբատին: Մայրերը բացարձակ, Սմբատի ներկայությամբ, հանդիմանում էին Հռիփսիմենին, որ նա թողնում է յուր միակ որդուն օտար աշխարհ գնալու: Հռիփսիմեն, ծիծաղելով և կատակ- ներ անելով, պատասխանում էր, թե Թիֆլիսում արժանավոր հարսնացու չկա Սմբատի համար, թե նա գնում է ուրիշ երկրում պսակվելու և թե շու- տով կվերադառնա մի գեղեցիկ կնոջ հետ:

Ճաշն ավարտվեց ուրախ, անթիվ անգամ խմեցին Սմբատի կենացն և բարի ճանապարհ մաղթեցին: Մոտեցավ ուղևորության ժամը: Գաս- պարն իրեղենները տարեց փոստային կայարան: Սմբատը մոր հետ մի կառքով գնաց: Նրանց հետևից զնացին բարեկամները: Եղանակը սաս- տիկ շոգ էր, անհնարին էր արեգակի տակ մնալ: Հռիփսիմեն ստեպ-ստեպ սրբում էր յուր ճակատի քրտինքը, ծանր հառաչելով...

Կայարանում նա ուշադրութեամբ դիտեց այն կառքը, որ պիտի տա- ներ նրա որդուն, մտքում ցավեց, որ Սմբատը պիտի այդ շոտ կողմից բաց կառքում նստի, ով գիտե, ինչ մարդկանց հետ: Բայց նա արտաբուստ հավանություն ցույց տվեց, միե՛նչ անգամ ասաց, թե լավ է, որ նա փակ կառքի տոմսակ չի վերցրել այդ շոտում:

Վերջապես, հասավ բաժանման տագնապալի բոպեն: Կոնդուկտորը առաջարկեց կառք նստել: Սմբատն ընկավ մոր գիրկը, և երկար ժամա- նակ նրանք չէին անջատվում միմյանցից: Հասավ և՛ ուրիշների հերթը՝ Սմբատին համբուրելու:

Բոլոր կանաչք արտասվեցին. բացի... Հռիփսիմեից: Նա անվրդով էր: Նա ժպտում էր:

Կոնդուկտորը Սմբատին շտապեցրեց: Նա բռնեց յուր տեղը մի ուս կնոջ և պառավ հրեայի մեջ, որ աշխատում էր բարեկամական ցույցեր անել յուր ուղեկցին: Կառավարը բարձրացրեց ձեռի սանձերը: Կոնդուկ- տորը հնչեց յուր փողը, ձիերը շարժվեցին: Սմբատը գդակը վերցրեց վեր- ջին բարենները տալու մտքը, որ կանգնած էր անշարժ միևնույն դիրքում, միևնույն տեղում, կառքի մոտ:

— Մնաք բարև,— ասաց պառավ հրեան, քաղցր ժպտալով կառքը շրջապատողներին, որոնց մեջ նա ոչ մի ազգական, ոչ մի բարեկամ, ոչ մի ծանոթ չունեք:

Լավեց մի սուր տարօրինակ գոռոց, նման հուսահատ խոլի բառան- չելուն սպանդադործի դանակի տակ: Եվ մի ինչ-որ սև բան փռվեց գետնին:

ուղիղ կառքի առջև: Չի երբ խրտնեցին, աշակողմինը փոքր էր մնում, որ ոտը դնի գետնի վրա տարածվածի կրծքին:

Ամենքը շփոթված նայեցին դեպի այն կողմ: Կառավարը ամուր սեղմած ունեի յուր ձեռներում ձիերի սանձը: Սմբատը վախեցած նայեց դեպի ցած... և բանը պարզվեց նրա համար: Այնտեղ, գետնի վրա, յուր ոտների տակ, փոշիի մեջ տարածված էր, յուր մոր անշունչ մարմինը, մի կտոր սև լաթի պես: Նա վայր ցատկեց կառքից, մոտեցավ և գունաթափ, դողդողալով, թեքվեց մոր վրա: Նա բռնեց նրա թևից, բոռալով.

— Մայրի՛կ, մայրի՛կ:

Մայրիկն անշարժ էր, կենդանության և ոչ մի նշույլ չէր արտահայտում նրա նիհար, պարզ-մոխրագույն դեմքը: Ազգականներն օգնեցին որդուն՝ բարձրացնել մոր անշնչացած մարմինն և դնել պատշգամբի վրա, ուր հավաքված էր ճամբորդներ ուղեկցողների մի մեծ խումբ: Մեկը մի շիշ շուր բերեց և սկսեց սրսկել Հոփսիմեի երեսին: Տեղի ունեցավ խիստ իրարանցում, ազգական կանայք բարձրացրին անասելի աղմուկ: Հոփսիմեի քույրը բարձր ձայնով լալիս էր, նա կարծում էր, որ հարվածը մահացու է: Սակայն սառը ջրի ազդեցությունից դանդաղորեն ետ շարժվեցին ուշաթափվածի կուպերը: Նա աչքերը բաց արեց և, մի անգամ արտասանելով որդու անունը, կրկին թուլացավ և ընկավ Սմբատի գիրկը:

— Պարոն, ներեցեք, մենք սպասել չենք կարող,— լսեց Սմբատը յուր հետևից կոնդուկտորի անվրդով ձայնը:

Արդարև, կառքը սպասել չէր կարող, ճանապարհորդները արդեն տրտնջում էին: Իսկ այստեղ տակավին գրեթե անշունչ ընկած էր նրա մայրը:

Նա դարձավ կոնդուկտորին.

— Թողեք իրեղեններս ցած բերեն:

Նույն վայրկյանին Հոփսիմեեն բոլորովին սթափվեց, Նրան կառք գրեցին՝ տուն տանելու: Նա կրկնում էր.

— Մի՛ գնար, մի՛ գնար:

Եվ Սմբատը պատասխանեց.

— Ո՛ր կարող եմ գնալ...

Հետո, երեսը մի կողմ դարձնելով, որ աչքերի արտասուքը թաքցնի, ցածր ձայնով, այնպես որ միայն ինքը կարող էր լսել, արտասանեց.

— Այս թանկագին շղթան անկարելի է փշրել...

Ալեքսանդր Շիրվանզադե

Պ Ա Տ Մ Վ Ա Ծ Բ Ն Ե Ր

Խմբագիր՝ Ս. Ս. Հակոբյան
Նկարիչ՝ Հ. Ա. Կառապետյան
Քեղ. խմբագիր՝ Բ. Վ. Մազմանյան
Տեխն. խմբագիր՝ Մ. Ն. Դավթյան
Վերատպող սրբագրիչ՝ Ռ. Ս. Հովսեփյան

ИБ 2141

Հանձնված է շարվածքի 03. 02. 1986 թ., Ստորագրված է տպագրության՝ 3. 06. 1986 թ.: Թուղթ № 3, չափսը՝ 60×84¹/₁₆: Տպագրությունը՝ բարձր Տառատեսակը՝ «Գրքի սովորական»: Հրատ. 9.56 մամ., տպ. 11,0 մամ., պլամ. 10,23 մամ., տպ. 10,5 զուն. թ. օտ.: Պատվեր 197: Տպաքանակ՝ 50 000:

Գ/էը՝ 95 կոպ.:

«Խույս» հրատարակչություն, Երևան-9, Կիրովի 19 ա:

Издательство «Луйс», Ереван-9, ул. Кирова, 19а.

ՀՍՍՀ հրատարակչությունների, պոլիգրաֆիայի և գրքի առևտրի գործերի պետական կոմիտեի № 1 տպարան, Երևան, Ալավերդյան 65:

Типография № 1 Госкомитета по делам издательств, полиграфии и книжной торговли Арм. ССР, Ереван, ул. Алавердяна, 65.